

大總統鈞座我

公繼任薄海歸

仁南北協和東西漸被

含宏景仰頌禱莫名克武一介庸懦半生奔走慶國基之永定擬服務之

長辭隴畝歸耕寢門侍膳避賢者路為盛世民不憶我

總統不棄片長竟委重任

命令甫下寵錫先頒賚

玉照以遠貽復軍刀之繼

賜對越起肅瞻拔愈珍荷茲光榮彌深惶悚猥以蚊力使負虎邱  
任狀又臨加恩愈渥敢不竭綿薄之力以報

知遇之隆川東萑苻未清荆棘尚梗現親外出編制各軍總期為地方保

安寧為人民謀幸福力奠東土請釋西

憂如有未協機宜尚懇時賜

教誨屏營待

命毋任瞻依肅此恭叩

崇安

名正肅

十月十七日

再肅者克武謹上銀耳竹參蟲草各二匣蜀錦被面一匹伏以高堂傳禮  
餽尚往來轅固明詩報徵瓊玖垂諸簡策重若琅玕克武以一介下愚  
兩蒙

重錫土儀畧返方物殊登備列玉盤珍慚鳳翅布來  
瑤寢溫佐蟲飛不盡微忱敬乞

俯納

大總統鈞鑒

克武  
謹上